

regum delucidanda mihi — misisti &c. Sequitur Capitulare XXX. Quaestionum, cui tamen deinceps non adhaeret Textus, sed ad XXXII. nullo tamen augmento progreditur. Ejus initium: Quod ait propheta (ad Heli) loquens ex persona dei. Et suscitabo mihi sacerdotem fidelem &c. ut Opp. omni. edit. Colon. 1688. T. IV. col. 333. f. quae Editio, ut quaedam legat melius, in aliis tamen e Codice perfici potest, qui v. g. in Praef. rectius habet: uel habite non intelligantur, quam vel habere non intelligantur, et Quaest. I. rectius: mediator dei et hominum, quam mediator Dei et Dominum; item paternorum sit in omnibus conscius arcanorum, quam patris in omnibus conscius arcanorum; item in domo pereunte sacerdotis heli, necesse est ut veniens ad ecclesiam offerat, quam Pereunte sacerdotio Heli necesse est, ad Ecclesiam offerat &c.

U. 101 Codex membraneus lat. Sec. XIV. Folior. 84. 4. per duas columnas luculente exaratus, rubro distinctus et quondam cum tot aliis ab *Joh. Fabro* Ep. *Vien.* adolescentis Cleri studiosissimo additus suo ad *D. Nicolaum* Seminario continet *D. Hieronymi* *Explanationem in Daniele* Prophetam.

*Fida mente. loci rupertus semper honori
Intendens. sumptus libri large dedit huius.
Tempore prepositi scriptus liber iste richardi
Ex quo prelatus undenus uoluitur annus.*

Praefatio ad *Pammachium* et *Marcellam* incipit: *Contra Danielem prophetam duodecimum librum scribit porphirius &c.* Id singulare, quod post verba: *in titulo eiusdem belis fabule ponitur*, Librarius noster hanc Notam innotatam interfert: *Incipit expositio sancti Hieronymi presbiteri super danielem prophetam. prout potuit breuiter explanauit, ut eo facilius secreta illius legentibus panderentur quo commentico (ita) sermone dictata uiderentur. Hoc opus domino adiuuante ita exorsus est, et deinceps Praefationem continuat, deceptus, ut videtur, a verbis sequentibus: Homo quidam erat sacerdos nomine danibel, quae sacri textus initium esse rebatur. Ceterum omnia integra sunt, ut docet collatio cum edit. *Vallar.* T. V. col. 617. textusque satis emendatus. Ad oram superam fol. 44. legitur: *Iste liber est monasterij Sancte dorothee* (quondam Canon. Reg.) *Wienne*; unde ad *Fabrum* devolutus fuerit. Quo sensu nae vel hodie Libri saepe Volumina sunt!*

CCCII.

Codex membraneus lat. Sec. R. 12 XIII. Folior. nunc 240. f. per duas columnas caractere luculento, atro exaratus, rubricisque pernotatus natales suos his ad calcem versibus prodit:

Quid

Quid vero ex his conjectes? Itaque ad ea, quae continet. Sunt vero D. Hieronymi Commentaria in XII. Prophetas minores membranis primis deperditis nunc ab his incipientia verbis: *Declinavit ab illis quia dominum reliquerunt* &c. quae sunt L. I. in *Oseam* c. 5. edit. *Vallarsii Tomo VI. col. 50.* Ordinem Prophetarum Codex hunc servat: *Oseas, Joel, Amos, Zacharias, Jonas, Malachias, Abdias, Michaeas, Naum, Habacuc, Sophonias, Aggaeus*, atque hic Ordo nec canonicus, nec chronologicus est, si tempus expositionis spectes. *Zachariae* duplex data est Praefatio *fol. 78. p. 2.* Rubrica prioris est: *Praefatio in Zachariam prophetam. ad exuperium tolosanum episcopum.* Incipit haec Praefatio: *Secundo anno darii regis medorum aggeum et Zachariam prophetasse* &c. et habetur in *Bibliis glossatis*; tacetur vero, nescio cur, a *Vallarsio*. Posterior inscribitur: *Incipit secunda ad eundem*; illa videlicet: *Ultimo jam autumnii tempore* &c. quam solam *Vallarsius* produxit omissam in *Bibliis* mox dictis. Integer cetera Codex est, probaeque lectionis, graeca Textus vocabula plerumque literis etiam latinis supra lineas repraesentans.

CCCIII.

R. 3261 Codex membraneus lat. Sec. XII. Folior. 226. f. luculente et probe exaratus, minioque pernotatus hoc Rubrum praefert: *Incipit explanatio eusebii iberonimi*

presbiteri super prophetas quinque. jobel. amos. zachariam. jonam. malachiam. S. Patrem in exponendis XII. Prophetis minoribus non instituisse ordini, quo sibi succedunt in Bibliis, e propriis ejus verbis constat; quam vero rationem secutus sit, narrat *infra fol. 81. in Praef. L. III. in Amos.* Qui hic continentur, collati sunt a me cum T. VI. edit. *Vallarsii*. Integra sunt omnia tam quoad Praefationes, quam quoad ipsos Commentarios. Solus *Zacharias* claudicat. Imprimis enim Liber II. quem Edita a C. VI. v. 9. auspicantur, nobis a C. III. initium fumit, progrediturque usque ad v. 6. et 7. Dein ibi a verbis: *ab Angelo Domini haec dicta intelligunt quod* — ab-rumpitur non absque aberrationis indicio in Codice conspicuo, transfilitque continuo ad verba: *artandas plateas hominum multitudine* &c. quae ad C. VIII. v. 6. edit. *col. 841.* pertinent. Cum iis igitur, quae intermedia sunt, etiam Praefatio Libri II. deperiit. Lectio satis conspirat cum Editis. Graeca plerumque prave scripta sunt, quibus manus συγχρονος mederi cupiens literas latinas saepe parum feliciter imposuit. Ita in Praef. *Joelis* corruptum ψυλλεα jussit legi *fimea*.

CCCIV.

Codex membraneus lat. Sec. R. 3059 XII. Folior. 139. f. per duas columnas bene scriptus, rubricis ornatus et olim, ut *fol. praevio* indicatur, *Pomerij montis*, id est, Coe-